

卯酉一時之沐浴也故華嚴經亦云諸物定能應時轉妙法輪是也

皇甫履道云十二時中無令間斷俞玉吾云天道無一息不運丹道無一息間斷

大周天用於化神時

十月關中鍊炁化神也

其中玄妙有不息卽有無息從不息而無息者也

許旌陽云有火隨爻變無火遂無生

如是而言火候之周天少彷彿其大略者

再合併以直論中之火候經與語錄中之眾問答而後始得

道藏輯要

仙佛合宗語錄

奕

畢集一

全火候之粗迹

而玄妙之妙合於天機者猶在真參實悟坐據蒲團較勘處自有真知而口頭語言終不能以一塗而盡

參悟則實有心得若徒求知于口耳間聞恐後用心悟時又生大疑病

六問曰蒙喻精雖真而不得爲真精用是何故

此疑既知精之真或必能用其精之真若反不得用者無乃猶有天機未得真而使然矣

答曰未調藥之故也

藥必先調調其生之時合于當生之時調定其機而後用當

採之工調者當未採未煉先之工非若火爲行火時用調者  
又問曰從古以來但言調息爲火候未言調藥而今又何始有  
此言答曰此萬聖萬真至祕之天機也只爲前聖高真奉持天  
尊科禁祕之不敢輕言者後之聖真成道者皆必由於得此世  
俗之小根不得此者卽不能成道也我輩金蓮法眷也曠劫  
修來必因未得此句則不得真可長生不死之元炁不能成仙  
了道直至今生有幸得聞老師曹還陽真人云忙裏偷閑調外  
藥無中生有採先天之句是李虛菴真人口授來天仙金丹之  
祕訣也正不敢獨善一身又恐後來人不知有此一機所必當  
知者而爲請求乃至不得所以證了只得吐露一句消息與後

道藏輯要

仙佛台宗語錄

卷

畢集一

來聖真好向此句尋個真實入頭方有得金丹成道分若不向  
此句請求正無緣於丹道正所謂說盡萬般差別法總與金丹  
事不同陳泥丸云若非金液還丹訣不必空自勞精神調藥者  
正所以調金液也又問如何用調法答曰藥生時用調調其合  
於當採之時然邪正兩門皆言藥生有時今世人所已知之時  
乃邪說旁門之所謂時非天仙聖道之所謂時

好邪淫之人不信修仙另有真道迷執淫事爲道故不用調  
藥之時及法若天仙聖道必調藥之真時而后合同於天上  
之事故最闢邪淫之說只恐門下法眷誤犯喪失見在性命  
怨悔不及

人若不信便將他自身所已知已行者勘過不合於仙道百日  
十月有成之期空勞歲月爲何無成再將他前代師家曾已行  
過者皆無成而必死卽見邪說虛假便當知天仙之道言藥有  
不同調藥更甚異唯天仙知之調之應得成天仙者得聞知調  
之凡世人不得知不能調也不能調則精生時之老嫩不齊則  
其補精之用有所不可

白玉蟾云藥物不精神丹不靈

必單單先如法用工調藥調其藥生炁足而可採煉補精能至  
滿足者爲是

藥不知調則不得真足之元炁不唯藥有不生之時或生有

道藏輯要

仙佛合宗語錄

五

畢集

遲促之異是其採取之假而無驗不證長生不死便當知非  
改過若不改過便是自投地獄

若藥不調其機而亂採失於遲早之候而徒採不足之炁欲補  
精而不得其補欲滿足而不得滿足便成盲修瞎煉得其調者  
凡藥之生皆如是時皆可採補方名真陽方成真藥生生如是  
不差別而後可謂之謂不然炁不足用精不能補則大藥不能  
生也不可謂之天仙大道

調得真覺則得真炁不得真覺則不得真炁炁嫩微而急採  
之故不足以成丹必要得旺炁之精方可用以補精精到滿  
足卽是炁到滿足精炁到滿足卽是大藥有炁之發生則謂

之大藥生能沖三關而成神仙天仙不滿足者不發生大藥不能沖過三關此見調藥爲至祕要機關

又問若以辨時而調藥世人皆言有老嫩之分別或是彼已知者今何言其俱不能答曰天仙於藥生之時候辨老嫩爲調凡世邪道以藥生之形質辨老嫩而不用調由此不同所以不知不能又問何爲藥生之時用調何爲藥生之形質答曰辨時候者辨之合於清真先之先天辨形質者辨於重濁後之後天又問何爲清真先重濁後答曰覺覺是真覺調之皆得真覺全無妄覺卽是清真之先若以妄念貪淫事而求至於濁質微露卽是重濁之後信奉如是辨者未有不得真精爲用者也

道藏輯要

仙佛合宗語錄

堯

畢集一

按佛與祖言淫事卽塵境魔境淫念卽妄識覺而依塵則入魔而爲六道種覺不依塵背塵合覺此六門先入一妙亦佛法初機時同于仙道初機者